

# სახალხო გაზეთი

სუკრათეპიანი დამატება

გაზეთის № 182.

კვირა, 12 დეკემბერი 1910 წ.

დამატების № 31

## გამოსალმება

ნიკოლაუს ლენაუსი

მწვიდობით ჩემო, საყვარელო, სამშობლო მხარევ,  
უკანასკნელად,—დამცირებულს,—მოგიძღვნი სალამს!  
შენც გეთხოვები, მოდუღუნევე, ლალო მდინარე...  
მხოლოდ სულელი და სულ-მოკლე ქედს უხრის მტარვალს...

ბავშვსა აკვანში ტკბილ ნანინას მიგალობებდი,  
სატრფო გულისა შეათვისე ჩემს ნორჩ ბუნებას,  
ჟამსა ყრმობისას შენს კალთაზე განვისვენებდი,  
მხოლოდ ვაჟკაცი რად მომაკლე თავისუფლებას?

როს ნადირთ ჯოგი ტყეს მოარღვევს ზარით, ღრიალით,  
ჭირქვე ემხოზა მონადირე და ინაბება,  
იციდის მთრთოლვარე, მოუთმენლად, გულის ფრთხრილით,  
ვიდრე ფეხის ხმა შემზარავი სულ არ მისწყდება.

აქ ემხოზი შენც სამშობლოვ, ჰოი ბედკრულო,  
ოდეს ანაზად ბრძანებელი გახლოვდება,  
შემკრთალი იციდი, ინაბები, ვითა უსულო,  
ვიდრე ზვიადი შენს მიდამოს არ განშორდება.


გასტურდი, ნავო, ვით ლაქვარდზე ღრუბელი მალი,  
მიჩვენე მხარე მთლად უჩვევი განადგურებას,  
ზღვაო, წალეკე ის უბსკრულის გარდაუვალი,  
დღემდე რომ—ტანჯულს—მაშორებდა თავისუფლებას.


ეს შენ ხარ მხარევ, აღთქმულ ქვეყნად გულს დასახული,  
მზე აფრიალებს სხივით ნაქსოვ გაშლილსა ალამს;  
მას ვერას ავნებს შავი ტალდა გაშმაგებული...  
და შენ, სამშობლოვ, აღტაცებით მოგიძღვნი სალამს!

ა. შანშიაშვილი.



ამური და პსიხეა. — ქანდაკება კანოვისა.





† ვახტანგ თულაშვილი

# ს ი მ ლ ე რ ა

I.

როს ცის კიდეს ბნელი ჰფარავს,  
გაუშლია ფრთა ყრუ ღუმლის,  
სასოება დაღრდილავს

შავ სუღარას, საფლავის ჩრდილს,  
როს სოფელი გმინავს მწარედ,  
ხვედრთან ბრძოლით მოქანცული;  
ქოტი ჰკივის სამსხვერპლოზე,  
ჯოჯოხეთის მოციქული!

როს დემონი, ფრთა გაშლილი,  
დაჰყიალობს მთელ ქვეყანას  
და ხარხარით ამცნებს სოფელს  
ბნელ სიკვდილის გამოცანას;

როს გრიგალი ზღვასა არყევს,  
ჰგორავს ზვირთთა ლეგიონი;  
და ჩემს მწირ ნავს შთანთქმას ამცნებს  
ბუნებისა სტიქიონი,—

ნუ შეგაკრთობს, სულო, იმ დროს  
ეამთ სიმწარე ცვალებადი:  
ისევ მალე გაგახარებს  
გახაფხულის განთიადი...

II.

როს მზე მნათობს, სხივ გაშლილი,  
აფერადებს მთა და ველსა,  
სიო დაჰქრის საამური,  
ყვავილს სტაცებს ნახ სურნელსა,

როს ცად მიჰქრის გრძობა წმინდა,  
მგოსნის გული ჰკენესის ჩანგად  
და სირთ სტვენა საამური.  
შორს გაისმის ტრფობის ჰანგად,—

ნუ, ნუ გჯერა სულო, იმ დროს  
წუთი სოფლის ნეტარება:  
დღეს ღიმილი საოცნებო  
ხვალ—სამარედ შეგეცვლება!..

ს. ფაშალიშვილი.



მგოსნის ჩვენება. — სურათი ა. გოლციასა.

# მე ვისურვებდი...

მე ვისურვებდი: განმესვენა ოცნების ფრთებზე,  
ჩუმაღ, შენს გვერდით, დამელია სული ტანჯული,  
შვების ღიმილი დამკვდომოდა ნელ ნელ ლაწვებზე.  
ნიავეს ემღერა ტფროზის ჰამნი, ჩემგან ნატრული.

მე ვისურვებდი: ნიავე ტალღად ვეცდით ზენას,  
ნარნარი სახე ჩამეკაცნა, ზედ დავკვდომოდი,  
ცხოვრებასაგან მოკლებული შვებას და ლხენას,  
გრძნეულ სტიქიად კვლავ ცხოვრებას დაებრუნებოდი.

მე ვისურვებდი: სიყვარულის სიმაღ ქვეული,  
გავბზოდი, ტურფავ, შენს ნეტარ ჩანგს, შენსა ფანდურსა,  
ზე-აღმედგინე და—სიცოცხლე შენში დახშული,—  
კვალად აღმეგზნო, წარეტაცნე ჰიმნს საამურსა.

მე ვისურვებდი: თუ სიკვდილი მიახლოვდება,  
შენ ჰყოფილიყავ ჩემთა გრძობათ უტყვი სამარე,  
ჰანგად აგეწყო ჩემი ცრემლი, ჩემი გოდება,  
უკანასკნელად გეთქვა ჰამნი, ჰიმნი მწუხარე!

ნ. ჩხიკვაძე.

# შუამართ ტალღავ!

ყვავილებში ჩამალული  
მოჩუხჩუხებს ნაკადული;  
მუშკ ამბართა აღმაკმევა  
ვერცხლის ცვრებად მოიბნევა,  
და დუდუნი გრილ სიოსი  
მშვენება მსოფლიოსი.

ფიქრთა ტალღავ! ხმა, ხმა გამე;  
გამინათე ბნელი ლამე,  
კოცნას კოცნით უპასუხე...  
დაჰკარ, ტალღავ, დაიქუხე.—  
მსურს ეგ ხმები საუცხოვო  
ჩემს ნადველში ამოვქსოვო.

ი. გრიშაშვილი.

# მ ლ ე ბ ი ა

# ყ ვ ა ვ ი ლ ი

ვარსკვლავნი ჰკრთიან, სახვე მთვარე სხივს აფრქვევს  
 მკრთალად,  
 შავი ჩუცვამთ, სევდიანად, გაშლილსა მინდვრებს;  
 ნიავი ნელი ნანას უმღერს, შიდამოს წყნარად,  
 შორს, მთა მდუმარე მისკემია შავ-ბნელისა ფიქრებს.  
 ეს ჟამი არის ჟამი გლოვის, ჟამი გოდების,  
 არეს ჰპატრონობს გულის მკვლელი, მწარე ღუმილი;  
 მხოლოდ, ხანდასმით გამეფებულ სიწყნარეს არღვევს  
 მწუხარე მგოსნის მოთქმა-კვენესა, სულის ჩივილი!

ა. გაფრინდაშვილი.

ოცნების ჩანგის მესმოდა ჟღერა,  
 ფრინველთ მაყრიონს გაჰქონდა ბგერა,—  
 ოჰ, შემაყვარდა მაწინ ბუნება,  
 უცხო სიტურფე, უცხო სიმღერა.  
 მწვანე ბუჩქებში მარტოდ-მარტო ვარ,  
 ნაზი ნიავი მიკოცნის თვალებს,  
 ირგვლივ გაშლილი ველი ირხვევა,  
 ფრინველთ მგოსანი ხმას არაკრავებს...  
 რა მშვიდად ვცხოვრობი მე ამ მხარეში  
 დედოფალი ვარ მარად სვიანი,  
 მაგრამ ერთი რამ მხოლოდ მალონებს—  
 აქ მოდის ხოლმე ადამიანი.

ი. მჭედლიშვილი.

## ზ ლ ვ ი ს ა პ ი ლ ე ს

ლამსი პირველი

ზღვის გული არის ჩემი მიჯნური,  
 მიძინებულნი ჯადოსნურ ძალით,  
 მშვიდა, მდუმარე, და ეს ღუმილი  
 ჰფერფლავს ჩემს გულსა მგზნებარე ალით.  
 და იმავე ზღვით ამოხუჭვილი  
 უცხო ქვებია იმისი თვალნი,  
 მათ ვარსკვლავები ვით შეედაჩნენ;  
 ცისა გულ-მკერდზე სჩანან ფერ-მკრთალნი.  
 ზღვამ წარიტაცა ჩემი საუნჯე,  
 უცხო ქვეყანას, უცხო მხარესა,  
 დავშთი მის კიდეს და კვენესა ჩემი  
 დლით მზესა სწვდება, ღამით—მავარეს.  
 ზღვაო, სად არის მიჯნური ჩემი,  
 რომელ ზვირთებსა მოჰფარდა ისა?  
 ფსკერს დაიძირა, თუ მიჰქრის ლალი—  
 მის კულულს არხვეს ამბორი ცისა...  
 დე, შენა გყავდეს, ჩემი მიჯნური,  
 ზღვაო, დავშთები მე შენსა კიდეს,  
 ვიმღერ ბრძოლის ჰიმნს და იმის აჩრდილს  
 მოვეუქსოვ ჩაჩქანს, მოვეუქსოვ რიდეს.

ლ ა მ ს ი მ ე ო რ ა ე

ტალღას ვადმოჰყე აღმოსავლეთით,  
 ჩემს სამშობლოში ზღვით შემოსცურდი...  
 ოღეს გიხილე, ცეცხლად აღვეგზენ,  
 იესოს ვნებად ჩემს სულს მოსწყურდი.  
 ცაზე ვარსკვლავნი რათა სხლტებიან—  
 მყინვარმა ცივმა არ უწყს, არ იცის,—  
 არარას მეტყვი და ჩემი გული  
 შენს სამსხვერპლოზე თრთოლოვით დაიწვის.  
 როდის მიპოვნის ჩემი მიჯნური  
 და მეც ვნების ზვდას დავემონები,  
 მივიყრდნოვ გულზე, ნეტარის თრთოლოვით  
 აყრილ უღვაშზე დავეკონები.  
 თუ ცამ დაჰკარგა უცხო სილურჯე,  
 ზღვაში ჩაეშვა, გაცივდა მზეცა.  
 და თუ ვინც მიყვარს აღარა სკოცხლობს,  
 თუ არ მომკვდარა—მოგვკვდები მეცა.  
 დე ჩემი სული ივლტოდეს მარად,  
 გადაჰყვებს ზღვის ჰავლს, ტალღას მქუხარეს,  
 გადაექსოვოს სამარადისოდ  
 უდაბნოს ქვიშას, გრიგალს მწუხარეს.

ბაბილინა.

## შ ა მ ე ზ ო მ ე ს ლ ა მ ე ს

სიოვ, სად მიჰქრი?  
 მო, მწარე ფიქრი  
 ამ მალალ მთასა გადაატარე,  
 ნაკადის ტალღებს,  
 შავ ფიქრთა წამლებს  
 შეუხმატკვილე... ტყეს ჩააბარე  
 მხოლოდ ამას გთხოვ, შენ გეთაყვანე,  
 შორს გამაფრინე სულ უცხო მხარეს,  
 თან წარმიტაცე, თან წამიყვანე,  
 იქ, სადაც სატრფო ცრემლს აფრქვევს მწარეს!

ვ. აბაშიძე-პირელი.

## ჩ უ, ნ ი ა ვ ო !..

გულნატკენი, სევდიანი, მწარედ სტირის ნაკადული,  
 კლდეს პიტალოს მკერდს უკოცნის და უტოკავს გრძნო-  
 ბით გული.  
 ნელად ღელავს ველ-მინდორი, საოცნებოდ მოქარგული,  
 და ძილის-პარს აღტაცებით სიო მღერის, მთის ასული!..  
 ჩუ, ნიავო!, შენი კვენესა სევდის ლახვრად გულსა  
 მხვდება.  
 სიხარულის ჩაკვდა ჰანგი... შეგების ჩანგურს სიმი სწყდება!..  
 ჩუ, ნიავო! მშობლის მწარე ქვითინი შორს... შორს ან-  
 თქება!  
 ქურუმნი ძირს ეცემიან... სამსხვერპლოზე ცეცხლი ჰქრება!..  
 ვ. გორგაძე.

### DE AMORE

მიყვარხარ, — მძულხარ  
 ვამტრ ალტანხარბინა.

მიყვარხარ! მიყვარს შენი მკრთალი ცისფერი  
 აბრაშუმის ჩულქები! მიყვარს შენი ნაზი თეთრ მადარმარ-  
 ქის ჯანსაცმელი. მიყვარს შენი აბრაშუმის ქამარი; შენი  
 გრძელი და კობტა შლიეფი.  
 მიყვარხარ!  
 მიყვარს შენი საყვარელი დედოფლები, მიღრიდა,  
 ბები და დოროთეა, რომელთაც გულში იხუტავ და  
 ეუბნები: თქვენ მტანჯავთ, ჩემო მშვენიერებო, თქვენ განა  
 გესმით ეს?! მუდამ დასმურტლული ტანსაცმელი გაცვიათ  
 და ქუდებიც გვერდზედ გაქვთ მოქცეული!..



მიყვარხარ! მიყვარს სურნელება შენის ოთახისა, საპირფარეოსი, შენის ლოგინისა! ამ გვარ სურნელებით გაქედნთილია ხოლმე ხისა ქერქი, როდესაც თვით ხე ჯერ შეუფურცვლელია და მთელი მისი სურნელება მის გულში მარხია.

მიყვარხარ, როდესაც გსჯიან, და როდესაც მთლად ცრემლად იქცევი.

მოზრდილები ტირიან, პატარები კი მთლად ცრემლად გარდიქცევიან ხოლმე!

მიყვარხარ! შენ ჯერ ისევ ღიმილით სდგებარ ცხოვრების კართან! მიყვარხარ! ხარ მფლობელი მსოფლიურ სიბრძნისა სანამ არაფერი იცი!

შენ ხარ პალატო ათინისა! უმანკობით სავსე შენ ზიხარ ხელუხლებლობის ნათელ ტახტზე! მიყვარხარ!

ოხ, მამცნე ის ღამე, როდესაც უღმობელი, გაუმადლარი ბუნება უცბად გარდაექმნის შენ დედაკა(ა)!

მაშინ მსურს გამოვეთხოვო ამ ჩემ სიყვარულს!..

— : —

მძულხარ, ღვთაებრივო! მძულს შენი ფარჩის ლამაზი ხალათი, რომლის ქვეშაც ვამჩნევ შენს ღელვის მსგავს სუნთქვას და რომელიც ჩემ გრძობათა „ბერძნულ ღიმილს“ ბარბაროსის სიმკაცრედ ჰქმნის.

მძულხარ!

შენი სიტყვების უსაზღვრო ძალა, რომელიც ხან ფერს მიკრთობს და ხან მაწითლებს, რომელიც მხდის ხან ავადმყოფად და ხან კარმაგად, ხან ბრძენად და ხან უგუნურად. მძულს შენი სილამაზე, მძულს შენი ხმის ნაზი

წკრიალი, რომელიც ბეთხოვენის სიმფონიებს ჩემთვის ირავს, რად ჰხდის და ჩემ ყურთა-სმენას უკარგავს ძალას, რომ მოისმინოს მსოფლიო ხმები!

მძულხარ!

მძულხარ შენ! შენ, რომელიც ასეთის მზრუნველობით იფარავ ჩემს მსოფლიო ძალებს, იმ ძალებს, რომელნიც მიისწრაფვიან, რომ გასწყდნენ, დაიღუბნონ!

მზრუნველო! გონიერო! მძულხარ! მძულხარ ჩემი სულის დამგობო! მძულხარ, როდესაც ჩამჩურჩულებ „მოდი კიდევ“.

მძულხარ როცა მემუდარები: „დარჩი ჩემთან“.


იმიტომ რომ მე მივიღვიარ და შენთან კი ვრჩები! საზღვარო ჩემის უსაზღვრობისა!

მძულს შენი სათნოება, რომელიც მადლეებს, მძულს შენი უპოვრება, რომელიც არასოდეს არ შეურაცმყოფს!

მძულხარ როცა წითლდები და ბედნიერად მხდი, და მძულხარ როცა ჰყვითლდები (და გულს მიწუხებ!

მძულხარ იმიტომ, რომ შენს საყვარელ სახეზედ ნადვლით აღსავსე ვკითხულობ ხოლმე მძიმე წუთების კვალს!

შალვა ტატიშვილი.



ჩვეულებრივი მოვლენა.



მუყაითი მომუშავენი, ანუ სამშობლოს სემსახური.

ნ. ჯაბაღარი. — (გულ-დაწყვეტილი) მშვიდობით ჩემო, [ნამაგ-დარო ამზანავობაე!